



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Clero, Militibvs, & populo Capuanis.

**urn:nbn:de:hbz:466:1-20006**

tam iudices quam Magister antedictus rebus propriis iusti sunt spoliari. Sed pater prefatus R. & Ecclesiam incastellare presumpsit, & quod minus prefatus Fordensis Abbas sententiam auctoritate apostolica promulgatam executioni mandaret, per violentiam impedire, quam adhuc detinere dicitur occupatam, & quod gravius est, ipse ac pater ejus manus in dictum Abbatem fecerunt injici violentas. quapropter in eos fuit ab eisdem iudicibus excommunicationis sententia promulgata. Processu vero temporis idem R. ad dilectos filios Abbatem de Garrera & conjudices suos, sapedito Magistro B. certa ratione suspectos, cum ad eos sine periculo mortis accedere non valeret, litteras impetravit: per quas asserens litteras falsas fuisse antedictis iudicibus destinatas, (quas nobis exhibitas in nullo invenimus esse culpabiles) quod ab eis legitime factum fuerat nitebantur in irritum revocare. Licet autem falsitatis vitium acerrime persequamur, ne tamen ex hoc poena innocentibus infligatur, discretioni vestrae per apostolica scripta precipiendum mandamus quatenus omni contradictione & appellatione cessante memoratam sententiam exequi minime postponatis, contradictores, si qui fuerint, vel rebelles, ut a sua praesumptione desistant, per excommunicationis sententiam compescentes; in irritum etiam reducetes quicquid obtentu praedictarum litterarum ad dictos Abbatem de Garrera & ejus conjudices directarum, in praedictum sapediti Magistri B. inveneritis immutatum. Illos vero qui manus in dictum Abbatem temerarias injecerunt, vel etiam injici praecerunt, tamdiu excommunicatos publice nuntietis, & faciatis ab omnibus artibus evitari, donec passo injuriam satisfecerint competenter &c. usque absolvendi. Sic autem diligenter quae praemisimus exequi studeatis, quod vigilantiam vestram possimus propterea commendare, nec super his ad nos ulterius quaestio perferatur. Quod si fieret, grave nobis existeret & molestum. Quod si omnes &c. duo vestrum &c.

*Epist. 244.*  
ADRIANO VLTRASTYLVANENSI  
Episcopo.

Quoniam ea quae per ordinem judicialis examinis rationabiliter sunt decisa, nulla debent temeritate rescindi,

sed perpetuae stabilitatis robore confirmari, praesentium litterarum auctoritate statuimus ut si aliquod scriptum contra sententiam quae contra Flandrenses sacerdotes, qui positi sunt in terra sancti Michaelis quondam decimali, super jure parochiali pro te lata est, per subreptionem appareat impetratum, viribus careat, & tuis impofterum rationibus non obsistat. Illud quoque decernimus, & per praesentes tibi litteras indulgemus, ut si venerabilis frater noster Strigonienfis Archiepiscopus, vel Gibinienfis Praepositus, aut ipsi Flandrenses Presbyteri, praeter conscientiam tuam & procuratoris tui in gravamen tuum iudices aliquos impetraverint, quos vel habeas adversarios vel manifeste possis probare suspectos, ad recusandum illos liceat tibi sedem apostolicam appellare, etiam si in commissionis litteris appellationis sit remedium interclusum. Datum Laterani XIX. Kal. Januarij.

CLERO, MILITIBVS,  
& populo Capuanis.

Inter innumeras sollicitudines nostras, quantum ad occupationes mundanas, illam quasi praecipuam reputamus quam de provisione regni Siciliae concepimus & tenemus; cum praeter debitum officij pastoralis, & jure dominij & ratione balij dignoscatur ad nos ejus provisio specialiter pertinere. Ut autem propositum nostrum evidentiùs prodeat in effectum, licet haecenus non sine multis anxietatibus & expensis tam spiritualiter quam temporaliter ad defensionem ejus intenderimus diligenter, & per Dei gratiam profecerimus, ecce nunc ad contritionem hostium & defensionem fidelium, ad exercendam justitiam & pacem servandam vices nostras, quas per nos ipsos nondum possumus praesentialiter exercere, dilecto filio nostro C. tituli sancti Laurentij in Lucina Presbytero Cardinali, viro nobili, provido, & honesto, quem inter fratres nostros speciali caritate diligimus, duximus committendas: quas ut melius possit implere, venerabiles fratres nostros Neapolitan. & Tarentin. Archiepiscopos (quorum fidem & discretionem in multis sumus experti, & qui constitutiones & consuetudines regni plenius agnoverunt) & dilectos filios Jacobum Marescalcum nostrum, & Odonem de Palumbaria, viros nobiles & pru-

*Epist. 245.*  
De negotio regni Siciliae.

*Vide infra*  
*epist. 280.*

R r r iij

*Epist. 244.*  
A sententia & re iudicata non appellatur quidem, sed iudex suspectus semper reculari potest.

dentis, linea nobis consanguinitatis astrictos, ei super executione balij duximus adjungendos, cum eis & per eos necessarium destinantes auxilium & praesidium opportunum; sperantes in eo qui non deserit sperantes in se quod dummodo studeatis eis, sicut debetis, intendere, fructum facient exoptatum. Quia verò per opera potius quam per verba vos ad devotionem sedis apostolicæ & fidelitatem regiae celsitudinis necnon & regni defensionem amplius inducere disposuimus & fortius confirmare, remota prolixitate sermonum, cum tempus agendi sit potius quam loquendi, universitatem vestram monemus attentius, & sub debito juramenti, quod nobis prestitistis de balio, districtè præcipimus, quatenus eis, sicut Vicariis nostris, plenissimè intendatis; ita quod vestro studio suffragante, per eorum industriam tempestate sedata, diù desiderata tranquillitas reducatur. Ut autem temporalis potestas per spiritualem auctoritatem efficacius adjuvetur, cum simul omnibus vices balij committamus, prædicto Cardinali etiam legationis officium per totum regnum Siciliae duximus concedendum; volentes pariter & mandantes ut quicquid omnes simul, aut aliqui vel aliquis eorum cum ipso, super administratione temporali statuerint ad honorem & profectum apostolicæ sedis & regiae celsitudinis, recipiatur ab omnibus & servetur. Quicquid autem ipse super administratione temporali decreverit, plenam obtineat firmitatem. Datum Laterani.

In eundem modum Archiepiscopo, Clero, Militibus, & populo Tranensibus. Archiepiscopo, Clero, Militibus, & populo Cusentinis. Episcopo, Clero, Militibus, & populo Melfien. Episcopo, Clero, Militibus, & populo Florentin. Episcopo, Clero, Militibus, & populo Capersanen. Clero, Militibus, & populo Casalis novi. Clero, Militibus, & populo sancti Severi. Episcopo, Clero, Militibus, & populo Civitaten. Episcopo, Clero, Militibus, & populo Polinien. Clero, Militibus, & populo de Barli. Episcopo, Clero, Militibus, & populo Treventin. Archiepiscopo, Clero, Militibus, & populo Acherontin. Episcopo, Clero, Militibus, & populo Salpen. Episcopo, Clero, Militibus, & populo Theatin. Episcopo, Clero, Militibus, & populo Bitetton. Episcopo, Clero, Militibus, & populo Asculan.

Archiepiscopo, Clero, Baronibus, Militibus, & populo Hydruntin. Episcopo, Clero, Militibus, & populo Iuvenacien. Episcopo, Clero, Militibus, & populo Botentin. Episcopo, Clero, Militibus, & populo Andren. Episcopo, Clero, Militibus, & populo Licien. Episcopo, Clero, Militibus, & populo Riwellen. Episcopo, Clero, Militibus, & populo Aversan. Episcopo, Clero, Militibus, & populo Vestan. Clero, Militibus, & populo de Fogia. Episcopo, Clero, Militibus, & populo Rapollen. Archiepiscopo, Clero, Militibus, & populo Baren. Clero, Militibus, & populo Tarentin. Clero, Militibus, & populo Montis Corbin. Archiepiscopo, Clero, Militibus, & populo Regin. Episcopo, Clero, Militibus, & populo Mantaranen. Episcopo, Clero, Militibus, & populo Monopolitan. Episcopo, Clero, Militibus, & populo Venusin. Episcopo, Clero, Militibus, & populo Potentin. Clero, Militibus, & populo Brundusin. Episcopo, Clero, Militibus, & populo Baianen. Clero, Militibus, & populo Alarinen. Episcopo, Militibus, & populo Termulan. Archiepiscopo, Clero, Militibus, & populo Surrentin. Episcopo, Clero, Militibus, & populo Policastren. Episcopo, Clero, Militibus, & populo Neocastren. Episcopo, Clero, Militibus, & populo Avelin. Clero, Militibus, & populo Neapolitan. Archiepiscopo, Clero, Militibus, & populo Sipontin. Episcopo, Clero, Militibus, & populo Scalen. Clero, Militibus, & populo Trojan. Episcopo, Clero, Militibus, & populo Cassanen. Clero, Militibus, & populo Gargan. Comitibus, Baronibus, Iulitarius, & universis populis per regnum Siciliae constitutis. Archiepiscopis, Episcopis, & ceteris Ecclesiarum Prelatis, & universis Clericis per regnum Siciliae constitutis.

CANONICIS BRUNDVSINIS,  
& universo Clero Brundusinae diocesis.

Nuntios vestros & litteras, filij Canonici, saepe recepimus, per quas venerabili fratri nostro electo vestro multa & gravia objecta fuerunt: propter quod ipsum aliquanto tempore apud sedem apostolicam detinuimus, expectantes si forte aliquis, qui vellet prosequi accusationes adversus eum propositas, compareret. Cumque post diutinam expectationem nullus apparuisset in nostra praesentia qui contra ipsum in accusatione procederet, licet quosdam vestrum acceperimus usque Beneventum venisse, sed propter viarum discrimina non

Epist. 146.  
Ut electo suo,  
qui sese apud  
Pontificem de  
objectis crimi-  
nibus purgaret,  
obtemperant.